

**ՀԱՎԱՍԱՐ ՀՆԱՐԱՎՈՐՈՒԹՅՈՒՆՆԵՐԻ
ԱՊԱՀՈՎՄԱՆ ՎԱՐՉՈՒԹՅԱՆ
ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ
ՀԻՄՆԱՀԱՐՑԵՐԻ ԲԱԺՆԻ
ՊԵՏ ԱՆՆԱ ՀԱԿՈՐՅԱՆԻՆ**

ԱՄՓՈՓ ՀԱՇՎԵՏՎՈՒԹՅՈՒՆ

2026 թվականի հունվարի 7-ից մինչև 2026 թվականի ապրիլի 7-ը ՀՀ աշխատանքի և սոցիալական հարցերի նախարարության հաշմանդամություն ունեցող անձանց հիմնահարցերի բաժնի փորձագետ Մարինա Մանուկյանի՝ պայմանագրով նախատեսված աշխատանքների կատարման վերաբերյալ:

1. Հաշվի առնելով թվայնացման գործընթացները, նախաձեռնվել են նոր օրենսդրական փոփոխություններ, որոնց մշակման մեջ հաշվի են առնվում թվայնացման գործընթացից բխող պահանջները: Մասնավորապես, լրամշակման փուլում է գտնվում «Հայաստանի Հանրապետության կառավարության 2022 թվականի օգոստոսի 11-ի N 1264-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծը:
2. Ուսումնասիրություն է իրականացվել անձնական օգնականի ծառայության շրջանակում կնքված պայմանագրերի վերաբերյալ: Այդ թվում՝ 2024 թվականի ընթացքում անձնական օգնականի ծառայությունից օգտվել է շուրջ 100 շահառու, իսկ 2025 թվականի պետական բյուջեի վերաբաշխման արդյունքում ևս 115 շահառուի հնարավորություն է ընձեռնվել ստանալ այդ ծառայությունը: 2026 թվականին անձնական օգնականի ծառայություն ստանալու հնարավորություն կունենա ընդհանուր առմամբ 300 շահառու՝ ՀՀ բոլոր մարզերում և Երևանում: Անձնական օգնականի ծառայություն ստանում են 15 տարին լրացած սովորող կամ աշխատող

հաշմանդամություն ունեցող անձինք, ում հետ կնքվող պայմանագրերի թվի ավելացումը կրում է շարունակական բնույթ:

3. Նախաձեռնվել և նախնական մշակման փուլում է գտնվում նաև «ՀՀ կառավարության 2024 թվականի հունիսի 27-ի N 1004-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծը՝ հաշվի առնելով հաշմանդամություն ունեցող անձանց աջակցող միջոցների տրամադրման թվայնացման գործընթացի մեկնարկը, ինչպես նաև իրավակիրառ պրակտիկայում ի հայտ եկած խնդիրները կարգավորելու նպատակը:

4. Ապահինստիտուցիոնալացման համատեքստում մշակվում է գործընթացների իրականացման քարտեզագրում: ՀՀ-ում կառուցվում և վերանորոգվում են համայնքային փոքր խմբային տներ՝ հաշմանդամություն ունեցող անձանց մշտական բնակության նպատակով: Մասնավորապես, անմիջական մասնակցություն ունեն ՀՀ Արմավիրի մարզի Գեղակերտ, Ակնաշեն, Մրգաստան համայնքներում ստեղծվող փոքր տների վերակառուցման և գործունեության կազմակերպման աշխատանքներին: Ակնաշենի համայնքային փոքր խմբային տունն արդեն իսկ պատրաստ է շահագործման: Մրգաստանի նախագիծը գտնվում է լրամշակումների փուլում:

5. Մասնակցել են Եվրոպական միության կողմից ֆինանսավորվող «Հավասարության և մատչելիության ապահովում հաշմանդամություն ունեցող անձանց համար» ծրագրի շրջանակում կազմակերպվող տեխնիկական աջակցության առցանց հանդիպումներին որպես ՀՀ ԱՍՀ նախարարության ներկայացուցիչ և Եվրոպացի գործընկերներին ներկայացրել են ՀՀ քաղաքականությունը և օրենսդրությունը՝ ուղղված հաշմանդամություն ունեցող անձանց հիմնահարցերին: Փոխգործակցության արդյունքում որոշակի լրացումներ իրականացվել են «Հայաստանի Հանրապետության կառավարության 2022 թվականի օգոստոսի 11-ի N 1264-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագծում:

6. Պատասխանել եմ քաղաքացիների դիմում-բողոքներին: Ներկայացված դիմում-բողոքները մանրամասն ուսումնասիրվել են, տրամադրվել են համապատասխան պարզաբանումներ և ուղղորդումներ հաշմանդամություն ունեցող անձանց իրավունքների և արտոնությունների, անձնական օգնականի ծառայության և բազմաթիվ այլ հարցերի վերաբերյալ:

7. Հաշմանդամություն ունեցող անձանց հիմնահարցերի բաժնի պետի հանձնարարությամբ ուղարկել եմ տարաբնույթ գրություններ տարբեր գերատեսչություններին, մարմիններին, տեղային և միջազգային կազմակերպություններին:

Փորձագետ՝

Մարինա Մանուկյան

08.04.2026թ.

Գևորգյան ԵՏ
Գրքային առևտուր
Նոտարի